

ORKUSTOFNUN
Jarðhitadeild

BORANIR Í EYJAFIRÐI

HOLA GG-1 Á GRÍSARÁ

FRUMNIÐURSTÖÐUR FRÁ BORUN OG MÆLINGUM Á HOLUNNI

Ásgrímur Guðmundsson
Hrefna Kristmannsdóttir
Þorsteinn Thorsteinsson.

BORANIR Í EYJAFIRÐI

HOLA GG-1 Á GRÍSARÁ

FRUMNIÐURSTÖÐUR FRÁ BORUN OG MÆLINGUM Á HOLUNNI

Asgrímur Guðmundsson
Hrefna Kristmannsdóttir
Þorsteinn Thorsteinsson.

Borun holu GG - 1 að Grisará

0. Ágrip
1. Inngangur
2. Framkvæmd borunar
3. Jarðlög og ummyndun
4. Vatnsæðar og rennsli
5. Prepa og loftdæling
6. Víddarmæling
7. Lokaorð

Myndaskrá:

Jarðlagasnið, víddar- og viðnámsmæling fnr. 16363

Ummyndunarsnið 16364

Hitamælingar 16366

Prepadæling 16365 og 16515

Viðauki: Lýsing jarðlaga

0. Ágrip

Á tímabilinu frá 7. ágúst - 24 sept. boraði Dofri holu, merkta GG-1 að Grísaði í Eyjafirði. Holan varð 1338 m djúp, en stöðugt hrún í botni kom í veg fyrir áframhaldandi borun. Tvær vatnsæðar komu fram, á 530 og 1230 m dýpi og gefur hvor æð um 2 l/s. Jarðlög samanstanda nær eingöngu af þremur basaltgerðum. Efstu 324 m eru ólivín-þóleít, basalt og plagi-óklas-porfyr en þær fyrir neðan er þóleitbasalt ráðandi. Gangar eru skornir á bilinu frá 324 m niður á 460 m, enn fremur endar holan í hrungjörnu gangbergi í botni. Á bilinu 600 - 800 m koma fyrir nokkur allþykk setlög.

Þrepidæling í lok borunar sýndi að holan virðist vera allþétt.

1. Inngangur

Borun á Grisará er framhald borana á Laugalandi fyrir Hitaveitu Akureyrar, með tilliti til útvíkkunar á vætanlegu vinnslusvæði. Boranir hafa verið fram til þessa tengdar austurhluta viðnámslægðar en miðsvæði hennar er milli Laugalands og Grisarár. Að vestanverðu hefur áður verið borað en eingöngu grunnar holur: Við Hrafnagil eru 8 holur sú dýpsta 609 m og með botnhita um 71°C. Við Kristnes eru 3 holur, sú dýpsta 402 m og með 54°C botnhita. Við Reykhús hafa verið boraðar 6 holur, allar nema tvær eru innan við 100 m. Sú dýpsta er 150 m með 59°C botnhita en hæstur er botnhitinn í 144m djúpri holu eða í kringum 77°C. Báðar voru þessar holur boraðar 1946 og dýpkaðar '47. Árangur af öllum þessum holum er misjafn, en í heildina séð litill. Djúpborun niður á 2000 m dýpi gæti gefið verulegar viðbótaupplýsingar en ef bornar eru saman hitamælingar austan og vestanmegin þá má búast við lægra hitastigi að vestanverðu og mismunurinn gæti verið um 10°C

Staðsetning holunnar miðast við að skera berggang á 600 m.d. Hann sést vel á yfirborði við Hrafnagil en kemur vel fram á segulkorti þar sem engar opnur er að finna. Við þennan gang er mest allur jarðhiti tengdur á yfirborði frá Hrafnagili að Kristnesi.

2. Framkvæmd borunar

Dofri hóf borun að morgni 7. ágúst með 444 mm (17 1/2") krónu, í 26 m djúpri hoggborsholu að Grísaðar í Eyjafirði. Borað var niður á 196,5 m og var þá skipt um krónu og sett í 311 mm (12 1/2") króna og boraður 4 m sokkur. Þá var fóðrað með 340 mm (13 3/8") fóðurrörum og þau steypt. Meðalálag var 16-17 tonn, mest 20 tonn en minnst 6 tonn. Borun hafði gengið vel fyrir sig og var búið að bora fyrir fóðringu seinnipart dags þann 10. ágúst.

Borun hófst á ný þann 12. sama mánaðar og nú með 222 mm (8 3/4" krónu. 20. ágúst var tekið upp og skipt um krónu, var dýpið þá orðið 720 m. Að kvöldi sama dags var borun haldið áfram og niður á 889 m dýpi en þá var tekið upp og holan víddar- og hitamæld. Ekki voru neinar alvarlegar útvíkkanir sem gáfu tilefni til lagfæringa á holunni. Samt sem áður kom fram útslag á mælinum við nánast hvert einasta millilag en þau eru æði mörg og misþykk. (sjá jarðlagasnið). Sett var niður á nýjan leik og borun haldið áfram. Á 1297 m d. hrundi að krónu, hún var látin snúast í hrunmolunum og reynt að skola upp því sem mögulegt var. Eftir sex tíma skolun var botnfall mælt og reyndist það vera 4 1/2 m. Þetta gerðist 30. ágúst. Tekið var upp og steypt en sú aðgerð mistókst þar sem steypan náði aðeins niður á sandinn.

Bormenn fóru í fjögurra daga frí að þessu loknu vegna breyttar vaktafyrirkomulags. Þann 5. sept. voru menn mættir á ný, tilbúnir í slaginn. Byrjað var á að víddarmæla holuna. Niðurstaðan var sú að útvíkkanir voru margar niður alla holuna (sjá jarðl.sn.) en tvær þó stærstar, á 830 - 840 m.d. var útslagið yfir 22" og á 920-980 var 19". Mælirinn sýndi botn á um 1280 m, þannig að allmikið botnfall var komið ofan á hrunið. Ákveðið var að halda steypuágerðum áfram með þar til gerðri steypukrónu sem hægt var að bora með niður í hrunið á meðan á steypingu stóð. Steypan harðnaði illa, nema í sandinum. Ekki var búið að bora nema fáeina metra þegar hrundi á ný.

Steypuaðgerðum var haldið áfram með sama hætti og boraðist ýmist ein stöng eða þá ekki neitt. 13. sept. var búið að bora niður á 1325 m og var þá staldrað við. Botnfallsmælingar sýndu, að skápurinn á 830 - 840 m var farinn að valda verulegum vandræðum. Því var tekið til höndum og reynt að steypa upp í hann. Pakkari var settur niður fyrir skápinn og var ætlunin að steypa ofan á hann. Hann þoldi ekki þrýstinginn neðan frá og var tekinn úthverfur upp. Þá var steypað annig i holuna að steypu var dælt út á móts við skápinn og reynt að halda henni þar með því að byggja upp álika mikinn toppþrýsting og þrýstingurinn var fyrir neðan steypu. Tvær súlikar steypingar voru reyndar. Sú seinni virtist mistakast með öllu. Steypan var boruð út, síðan var farið í helgarfri þann 16. sept.

Að loknu friði var haldið áfram þar sem frá var horfið. Holan var víddarmæld og kom í ljós að skápurinn á 830 - 840 m hafði minnkað verulega. Þá var tekið til á nýjan leik við botninn þ.e. steypa og borað. Tvívegis var steypað en við borun hrundi að í bæði skiptin. Ekki virtist vera nein breyting við borun niðri. Þótti því ekki ástæða til að taka frekari áhættu við borun í þetta hrungjarna lag og því ákveðið að hætta. Síðustu dagana var holan hita, víddar og viðnámsmæld. Síðan dælt lofti á hana en að lokum þrepadæld.

24. sept var borinn gerður klár til flutnings.

3. Jarðlög og ummyndun.

Borað var sunnan við bæinn Gríasará rétt vestan við þjóðveg. Ætlunin var að skera allmikinn gang á 600 m d. sem liggur vestan Hrafnagils og austan við holustæðið. Meginþorri hraunlaga niður á 325 m dýpi er ólivín þóleít basalt viða sprungið og leirfyllt með svörtum leir. Þetta þýðir að hrunchætta sé þar meiri ef mið er tekið af Laugalandi. Gangar voru skornir frá 324 m niður á 466 m.d. Þunn þóleitlög komu fram á tveimur stöðum á 348 - 350 m.d. og 372 - 374 m.d. þannig að liklegast eru þetta þrír gangar.

Frá 466 m.d. niður á 1288 m er nær eingöngu um að ræða þóleitbasalt. Meðalþykkt laganna er rúmir 10 m, þau þykkstu 22 m en þau þynnstu 4 m. Á bilinu 646 m niður á 774 m.d. eru allþykkt setlögg frá 12 m upp í 18 m. Rauðu millilögin eru mjög tíð, oftast eru þau sýnd þykkari á jarðlagasniði en þau eru í raun. Hluti af þeim er vafalaust oxaður kargi eða þá mjög blöðrótt og ummyndað berg en borhraði er þá látinna ráða þykktinni.

Neðstu metrarnir eða frá 1288 niður á botn í 1338 m eru mjög sprungið og leirfyllt gangberg. Niður á 1330 m er það nánast svart en smá litabreyting verður á því fyrir neðan 1330 m. Bergið lýsist og grænleitur blær er yfir því, samt sem áður er það all sprungið.

Ummymundunin er áþekk í bergen úr holunni við Gríasará og í bergi úr borholum á Laugalandssvæðinu í Eyjafirði. Zeolítabeltin liggja á svipuðu dýpi í þessari holu og þar. Holan byrjar í mesolít-skólesít belti, en laumontítbelti tekur við á um 400 m dýpi. Heulandít og stilbít eru algengustu zeolítar í holunni auk laumontíts. Einnig finnast skólesít, analsim, apofyllít og kalsiumsilikasteindin gyrolít í örfaum sýnum finnast kabasít og tomsonít.

Nokkrar greiningar voru gerðar á leirsteindum í bergen. Smektít er ráðandi niður á a.m.k. 350 m dýpi. Neðan 440 m dýpis verða blandlagsleirsteindir af smektíti og klóríti og svellandi klórít ráðandi.

Klórít finnst á 1200 - 1240 m dýpi í tveim sýnum, en á 1290 m eru blandlagsleirsteindir. Á Laugalandssvæðinu er smekít yfirleitt ráðandi niður á mun meira dýpi en í þessarri holu. Klórít hefur þar fundist á svipuðu dýpi en verður ekki ráðandi leirsteind á því dýptarbili sem holurnar spanna

Það að leirsteindabeltin eru nokkuð frábrugðin á Gríasará og Laugalands-svæðinu er ekki unnt að útskýra frá núverandi vitneskju og gögnum frá svæðunum. Enda segir þessi mismunur okkur ekkert um jarðhitakerfin, þar sem bæði zeolíta- og leirsteindabeltin eru að mestu "steingerð" ummyndun og lítið tengd núverandi jarðhitavirkni og hitaástandi í berginu.

4. Vatnsæðar og rennsli.

Tvær megin vatnsæðar komu í holuna hvor um sig í kringum 2 sekúndulítrar. Sú fyrri er á 530 m dýpi en bormenn töldu sig hafa orðið vara við skolvatnsaukningu strax á 500 m. Þegar borað hafði verið niður á 550 - 560 m.d. var skolvatnsaukning mæld og reyndist hún vera um 5 l/s. Að kvöldi næsta dags, þegar dýpið var um 600 m þá var aukningin mæld nákvæmlega í 200 l tunnu og var þá 8 l/s. Næstu tvö kvöld á eftir var rennslið mælt á sama hátt og hafði þá minnkað niður í 4.5 l/s. Að morgni 24. ág. eftir að holan hafði hitað sig upp í 8 tíma eða í lok hitamælingar, var rennslið komið niður í tæpa 2 l/s. Hitastig við æðina var tæpar 72°C en við holutopp 40°C . Holudýpi var þá 889 m.

Seinni æðin er á 1230 m dýpi en ekki var vart við hana í borun. Hún sást fyrst á hitamælingu sem gerð var 5. sept. Rennsli úr holunni var orðið rúmir 4 l/s og var því áætlað að æðin gæfi um 2 l/s. Hitastigið við æðina var 84°C skv. hitamælingu 23. sept. '77.

Smáæðahröngl fyrir neðan 530 m æðina kom vel fram á fyrstu hitamælingunni þegar holan var 889 m djúp. Eftir að neðri æðin kom inn þá virtust þær hverfa (sbr. hitamælingar). Aftur á móti kom æðahröngl í ljós neðst í holunni. Það skýrir mikið til, hvers vegna steypan þar náiði aldrei eðlilegri hörðun.

Mælt hitastig í holu GG - 1 er mjög sambærilegt við það sem áður hefur verið mælt á svæðinu þ.e. í holum við Hrafnagil.

5. Þreppa og loftdæling.

Strax að loknum mælingum 23. sept. var loftdæling undirbúin. Stangir voru settar niður í 80 m og byrjað að loftdæla kl. 19.30 og hætt rétt fyrir 3.00 morguninn eftir eða í tæpa 8 tíma. Í stað þess að hækka þá lækkaði hitastigið og hafði fallið úr 65°C í 63°C eftir 4 tíma en í lok dælingar var það komið í upprunalegt horf á ný. Rennslið hélst stöðugt til að byrja með en er leið á mælinguna þá byrjaði gusugangur og datt rennslið öðru hvoru alveg niður. Eftir að loftdælingu var hætt þá tók það holuna 1 klst. að fylla sig og síðan rann aðeins 1 sekúndulítri úr henni.

Bóndinn á Gríasará fylgdist með þrýstingsbreytingum á holutoppi yfir eina fríhelgi bormanna rétt fyrir borlok. Niðurstöður voru þessar:
Föstudagur 16. sept. kl 15.00 0 kg/cm^2
" " " " " 20.00 7,0 "
Laugardagur 17 sept. " 8.00 9,5 "
" " " " " 20.00 10.0 "
Sunnudagur 18.sept " 8.00 10,5 "
" " " " " 20.00 11, 0 "
Mánudagur 19. " " 8.00 11,0

Samkvæmt því hefur lokunarþrýstingur verið um 11 kg/cm^2 . Að lokinni loftdælingu var dælt í holuna köldu vatni ($\text{ca } 10^{\circ}\text{C}$) í þremur þrepum, $11,0 \text{ l/s}$, $16,5 \text{ l/s}$ og $22,0 \text{ l/s}$ í 2 klst við hvert þrep en bakþrýstingur síðan skráður á 5-10 mín. fresti í $4 \frac{1}{3}$ klst. Þrýstingshækkun varð 103 m í fyrsta þrei, 65 m í öðru þrei en 80 m í þriðja þrei og er þá gert ráð fyrir 20 m hækkun í fyrsta þrei vegna áhrifa frá undangenginni loftdælingu. Hækkun á magneiningu ($\text{m}/(\text{l/s})$) í hverju þrei er sýnd á fnr. 16515. Samkvæmt henni er lagstreymisstuðull við holuna $B=7,3 \text{ m}/(\text{l/s})$ en iðustreymisstuðull $C=0,175 \text{ m}/(\text{l/s})^2$. Vatnsleiðni jarðlagra umhverfis holuna, T , reiknuð út frá lagstreymisstuðlinum B verður $1,67 \text{ cm}^2/\text{s}$ miðað við niðurdælingarvatnshita (áætl. 20°C) en $4,51 \text{ cm}^2/\text{s}$ miðað við 80°C vatnshita. Bakþrýstingur sem skráður var að aflokinni þrepadælingu (fnr 316365), lækkar mun hægar en vænta má vegna ofangreindra rennslisstuðla, $C=0,175 \text{ m}/(\text{l/s})^2$ og $T=1,67 \text{ cm}^2/\text{s}$, t.d. $10,5 \text{ kg/cm}^2$ í stað $23,1 \text{ kg/cm}^2$ eftir 30 mín og $19,5 \text{ kg/cm}^2$ í stað $24,4 \text{ kg/cm}^2$ eftir 2 klst.

Lækkunin er þó í samræmi við reiknaða lækkun eftir 2 klst sé gert ráð fyrir 36°C vatnshita í bergen og leiðninni, $2,35 \text{ cm}^2/\text{s}$. Vel má vera að ofangreint misræmi í mældri og reiknaðri lækkun raskist af rýmd lárétttra sprungna neðan við fóðringu (174 m), sem opnast hafa við dælingu en lokast síðan aftur með lækkandi þrýstingi. Óvissa er þannig um raunveruleg gildi rennslisstuðla holunnar og æskilegt að gera rennslismælingar á henni við fyrsta tækifæri til þess að kanna hugsanlega vinnsluhæfni hennar, t.d. sem skammtima miðlunarholu við mesta álag hitaveitunnar. Holan er nú nýtt vegna byggðarinnar við Gríasará og Hrafnagil.


6. Víddarmæling


Jarðlagastaflinn sem holan sker, samanstendur af blágrýtislögum og misþykkum millilögum. Frávik frá þessu er þegar gangberg er skorið. Allmikill hörkumunur er milli hinna mismunandi jarðlaga, þá sér í lagi milli rauðu millilaganna og blágrýtisins. Millilögin eru venjulega lin og auðboruð, jafnframt því þá vaskast þau auðveldlega ef miklu skoli er beitt. Sú varð og raunin í þessari holu. Of mikið skol kom af stað allmikilli skápamyndun. Seinna meir settist svarf til í þeim og hamlaði eðlilegri uppskolun. Einnig átti svarfið til með að falla fyrirvaralaust niður og tefja borun. Með svarfgreiningu má sjá hvar líkleg skápamyndun er en ekki hægt að segja til með neinni vissu um stærð skápanna. Þá er holan þreifuð með þar til gerðu áhaldi þ.e. ca eins og hálfsmeters langur sívalningur 2" í þvermál. Honum er rennt niður á botn holunnar, þar eru spenntir út að holuveggjunum teinar (þreifararnir) sem mæla allar misfellur og skrá þeir jafnóðum á sírita á yfirborði.

Ef borið er saman jarðagasnið og víddarmæling, þá er mjög gott samræmi þar á milli. Mismiklar útvíkkanir eru við lagmót en nær undantekningarlaust vaskast rauðu millilögin að einhverju leiti út. Tvær mælingar falla yfir hvor aðra, sýna áhrif skolunar á skápamundun. (sjá jarðagasn. 830-840).

7. Lokaorð, samantekt.

1. Greinileg áhrif mikillar skolunar sjást í linari jarðlögum í holunni. Við hönnun borhola á þessu svæði er því áriðandi að taka þann þátt með í reikninginn og þá helst að hafa holurnar jafn viðar frá toppi niður í botn. Þannig er hægt að halda skolhraðanum í lágmarki.
2. Áætlað var að skera ákveðinn berggang á 600 m dýpi en sú varð ekki raunin. Borað var í ganga á tveimur stöðum eins og greint hefur verið frá hér að framan. Nauðsynlegt er því að hallamæla holuna til þess að upplýsa hvort halli gangsins hafi verið ranglega áætlaður eða hvort holan halli frá lóðlinu og þá í hvaða átt.
3. Á 646 niður á 774 m dýpi eru nokkur þykk setlög áberandi og því ástæða til að bora í bergganginn (Hrafnagilsganginn) þar sem hann sker þau.
4. Eskilegt er að gera rennslismælingar á holunni við fyrsta tækifæri til þess að kanna hugsanlega vinnsluhæfni hennar t.d. sem skammtíma miðlunarholu við næsta álag hitaveitunnar.









ORKUSTOFTNUN


JARDLAGASNIÐ


Viddar- og Viðnámsmælingar af G-1
77/2/28 AGAÁ T 2/24 T 153












EYJAFJARDARSÝSLA
 Hrafngilshreppur
 Grisará
 Borholta G G-I
 Borun hófst '77.08.07
 Borun lauk '77.09.25
 Föðring 196,5m
 + Mælt '77.08.24 H.S.
 Dýpi 888m
 Sjálfrennsli tæpir 2 l/s
 ○ Mælt '77.09.05 H.S.
 Dýpi 1297m
 Sjálfrennsli 4-5 l/s
 ● Mælt '77.09.23 H.S.
 Dýpi 1338m
 Sjálfrennsli 4-5 l/s
 Hlíðarhlír komst í
 1330m, en 8m
 botnfall var í holunni.


ORKUSTOFNUN	
HITAMÆLING	
GG-I	F 16366
'77.12.06 ÁG/AA	T 156
Eyðafj.	



time →

15
14
13
12
11
10
9
8
7
6
5

ORKUSTOFNUN
PÆREPÅDÆLING
GG-1
771206 AG/AA T 155
Eyjafj. F 16365



Viðauki: Lýsing jarðlaga í GG - 1

28-38 m. Meðalgrófkornótt, smádilótt ólivín-þóleit, grásvart. Svartur leir sést á sprunguflötum. Sýni vantar frá 32 í 36 m.

38-42 m. Aðallega millilag, rautt yfir í ljósraut. Nokkur blöndun er að oxuðum karga. Skólesít og heulandít sjást ásamt gulum ópal.

42-52 m. Meðalgrófkornótt-grófkornótt, grásvart ólivín þóleit. Leirsprungufyllingar sjást ásamt zeólítunum skólesít og heulandít.

52-57 m. Plagióklasdílótt berg. Það virðist nokkuð oxað efst og neðst. Zeólítin heulandít sést í því.

57-64 m. Plagióklasdílótt berg. Grunnmassinn er meðalgrófkornóttur. Oxun er bæði efst og neðst. Nokkuð ber á zeólítum þá aðallega við neðri lagmótin þ.e. skólesít, heulandít og analssín.

64 m. Þunnt lag af oxuðum karga.

64-75 m. Plagióklasdílótt berg. Gunnmassinn er meðalgrófur. Allmikið er af zeólítum, eins og á undan, einnig ber nokkuð á oxun.

75 m. Líklegast þunnt rauðt millilag.

75-86 m. Sama berg og hér að ofan.

86-94 m. Grásvart, meðalgrófkornótt ólivín-þóleit. Líklegast er þunnt rauðt millilag hér fyrir ofan.

94 m. Þunnt rauðt millilag.

94-104 m. Grásvart meðalgrófkornótt ólivín-þóleit. Svartur leir sést ásamt grautlinum sægrænum leir (seladónít). Pyrit sést. Oxun er áberandi í neðri hluta lagsins.

104-114 m. Grátt-grásvart, fínkornótt-meðalgrófkornótt basalt, ekki greinilegt hvort um er að ræða þóleit eða ólivín þóleit. Svarf vantar frá 110-112 m.

114-128 m. Plagioklasdilótt berg og grunmassinn er meðalgrófkornóttur. Efstu metrarnir eru mjög oxaðir og mikið ber þar á zeólítum og grænum leir. Líklegt er að við efri mörkin sé rauð millilag.

Pyrít sést.

128-134 m. Marglitt millilag, þ.e. ljósrautt, rauðt, gult, brúnt og grænt.

134-136 m. Meðalgrófkornótt, grásvart ólivínþóleit.

136-138 m. Rauðt millilag, mikið er af útfellingum, aðallega kvars, kalsítog heulandít.

138-140 m. Svarf vantar.

140-148 m. Grásvart, meðalgrófkornótt ólivín-þóleit sem inniheldur smá pyroxen og plagioklasdila. Grautlinur sægrænn leir sést af og til í því.

148-151 m. Oxaður basaltkargi með sægrænum leir í.

151-156 m. Grásvart, meðalgrófkornótt ólivín-þóleit, smápyroxún og plagioklasdilótt (stakdilótt eða smáir dílar?). Svartur leir sést á sprunguflötum.

156-160 m. Oxaður basaltkargi með sægrænum leir í holrýmum.

160-164 m. Grásvart, meðalgrófkornótt ólivín-þóleit. Fáeinarr grænar leirsprungufyllingar sjást.

164-170 m. Rauður oxaður kargi með sægrænum mjög linum leir í holrýmum.

170-182 m. Grásvart, meðalgrófkornótt ólivín-þóleit. Svartur leir sést á sprunguflötum.

182-184 m. Oxaður kargi, einnig er slæðingur af rauðum millilagsmolum. Holrými eru fyllt af zeólítum, (heulandít og merdenít) og sægrænum leir.

184-190 m. Meðalgrófkornótt, grásvart ólivín-þóleít. Svartur leir á sprunguflötum virðist nokkuð áberandi.

190-204 m. Meðalgrófkornótt ólivín-þóleít, nokkuð ber á oxun í því og neðst er það blöðrótt og er grænn leir í blöðrunum. Það vottar fyrir plagióklas dílum í basaltinu.

204-206 m. Oxaður kargi og ber nokkuð á sægrænum linum leir í holrýmum. Lítið eitt er af öðrum holufyllingum, líklega bergkristall og ókristallað kvars. (kalsedon eða ókristallaður kísill)

206-212 m. Grásvart, meðalgrófkornótt ólivín-þóleít. Nokkuð ber á oxun í bergenu og gefur hún því brúnleitan blæ. Bergkristall sést, auk þess sem grænn leir fyllir blöðrur efst og neðst í laginu.

202-220 m. Grátt, fínkornótt þóleít, en grænn leir setur sinn svip á það. Við lagmótin er nokkuð af oxuðum karga og bergi. Þar er það blöðróttara og græni leirinn mest áberandi, virðist hann vera linari þar. Bergkristall og ópall sjást í öllu laginu enn fremur rauðleitur kristall er gæti verið pyrrhotít. Skólesít sést við lagmótin.

220-226 m. Grásvart, meðalgrófkornótt, ólivín-þóleít. Bergkristall og kalsedon sjást í því.

226 m. Þunnt lag af oxuðum karga sem tilheyrir vafalaust bæði hraunlaginu að ofan og neðan.

226-238 m. Meðalgróft-grófkornótt ólivín-þóleít. Bergið er nokkuð sprungið og aðallega sprungufyllt af svörtum leir, nema efst sjást kristallaðar hvítar holufyllingar. Þetta er svipað því er olli mestu vandræðunum í LJ - 8.

238 m. Þunnt rautt millilag.

238-246 m. Meðalgróft-grófkornótt, grásvart ólivín-bóleit. Rauð-brúnn oxunarlitur setur svip sinn á lagið. Bergið er sprungið og sprungufyllt af grænsvörtum leir samskonar og í laginu hér að ofan.

246-248 m. Oxaður kargi ásamt þunnu rauðu millilagi. Sægrænn linur leir setur svip sinn á þetta og er mjög áberandi.

248-252 m. Grófkornótt, líklegast ólivín-bóleit, rauðbrúnt vegna oxunar og er svartur leir í blöðrum.

252-256 m. Oxaður kargi, ásamt þunnu, rauðu millilagi. Sægrænn linur leir er áberandi. Bergkristall, kalsedon og skólesít sjást.

256-258 m. Þunnt, grátt, fínkornótt bóleitlag. Það er mjög blöðrótt og blöðrufyllt af grænum leir.

258-262 m. Oxaður kargi en meira er um útfellingar en áður, aðallega zeólita þ.e. heulandít, stilbit, gyrolít og apófyllít.

262-266 m. Meðalgrófkornótt, grófkornótt ólivín-bóleit. Leir og zeólitar eru í sprungum.

266 m. Þunnt, rauðt millilag.

266-278 m. Meðalgrófkornótt, grásvart ólivín-bóleit með kvarsi (kalsedon (grænn)) í sprungum. Nokkuð ber á oxun efst í því.

278-282 m. Millilag, ljósrauðt efst en brúnt neðst.

282-296 m. Efst er bergið grátt, fínkornótt og blöðrótt en neðar verður það grásvart og meðalgrófkornótt. Lítillega ber á oxun en grænn leir setur sinn svip á bergið. Útfellingar eru kvars, kalsít og zeólitar.

296 m. Þunnt, rauðt millilag.

296-302 m. Meðalgrófkornótt, grásvartr ólivín-þóleít. Lítilleg oxun er í bergen. Zeólitar og grænsvartr leir sjást sem sprungufyllingar.

302-304 m. Vantar svarf.

304-306 m. Rauðbrúnt millilag.

306-316 m. Nokkuð ummyndað, grátt, fínkornótt, blöðrótt þóleít, efst en er neðar dregur verður bergið meðalgróft-grófkornótt og gæti verið dílótt. Bergkristall og ókristallaður kísill sjást ásamt skólesíti og pyríti.

316-320 m. Grábrúnt sandsteinslag og virðist það vera mjög lint og því hætta á útvöskun í því.

320-322 m. Grátt, fínkornótt þóleít, blöðrótt og er grænn leir í blöðrum. Bergið virðist dílótt, ókristallaður kísill og zeólitar eru í sprungum.

322-324 m. Vantar svarf.

324-348 m. Bergið er dökkt, nánast svart, grófkornótt gangberg. Á 336 m.d. verður á því útlitsbreyting, þ.e. ljós-grágrænt og ekki eins grófkornótt og áður. Mjög mikið er af zeólítum á bilinu 326-328 m en annars er smá dreif af þeim í öllu luginu ásamt kalsíti.

348-350 m. Fínkornótt-meðalgrófkornótt, gráleitt berg. Gæti það tilheyrt annað hvort luginu fyrir ofan eða neðan. Talsvert er af útfellingum aðallega zeólítunum laumontíti og stílbíti, einnig sést kalsít.

350-372 m. Grófkornótt, grænsvartr gangberg dólerít. Nokkur dreif er af zeólítum og kalsíti sem sprungufyllingum, enn fremur ljósgrænn massi sem gæti verið ókristallaður kísill.

372-374 m. Grátt, fínkornótt, blöðrótt þóleít. Blöðrur eru fylltar af grænleitum leir og kvarsi.

374-466 m. Ljóst berg, hvítleitt-ljósgrænt, mjög grófkornótt og því greinilega innskot. Bergið er smávægilega sprungið og eru zeólitar í sprungunum. Bergið er dökkgrænna út til jaðranna.

466-470 m. Fínkornótt, gráleitt-grásvart póleit. Nokkur aukning er á zeólítum í laginu, einkum laumontít og stilbit. Fáein grænleit millilagskorn sjást efst í laginu.

470-472 m. Grænsvart, meðalgróft-grófkornótt berg.

472-477 m. Blanda af grá- rauðbúnu seti og bergi sem hefur mjög túfflegan strúktúr. Það er grátt og alsett hvítgrænum blöðrufyllingum. Pyrit er í því.

477-484 m. Fínkornótt, grátt póleit. Efst og neðst er það allblöðrótt. Algengustu holufyllingar eru kalsedon og zeólitar.

484-492 m. Fínkornótt- meðalgróft póleit. Það er grátt og blöðrótt út til jaðranna en grásvart inn að miðju. Kalsít, kvars og zeólítarnir stilbit og laumontít eru í því.

492-497 m. Rautt-rauðbrúnt millilag efst og neðst en grænleitt og túfflegt inn að miðju.

497-502 m. Fínkornótt-meðalgróft póleit. Grátt, fínkornótt og blöðrótt við jaðrana en aðeins grófara og grásvartara inn að miðju. Litið eitt er af zeólítum, þá aðallega heulandít, skólesít og laumontít.

502-508 m. Meðalgrófkornótt, plagióklasdílótt, grágrænsvart basalt. Talsvert er af zeólítum, þeim sömu og eru hér að ofan.

508-510 Rauðbrúnt og grænt millilag.

510-518 m. Grásvart, fínkornótt póleit. Við jaðrana er það grátt og blöðrótt.

518-528 m. Fínkornótt, grásvart þóleít en verður aðeins grófara inn að miðju lagsins. Dreif er af zeólítum; heulandít, stilbit og laumontít.

528-530 m. Rauðbrúnt og grænt millilag.

530-532 m. Meðalgrófkornótt, grænsvart ólivín-þóleít með svörtum leir og zeólítum í sprungum. Stilbit sést.

532 m. Rautt millilag.

532-542 m. Grátt, fínkornótt, blöðrótt mjög ummyndað þóleít, það er oxað við lagmótin. Nokkuð er af zeólítum; heulandít, stilbit, skólesít og laumontít. Á 536 m dýpi er þunnt rautt millilag.

542-544 m. Rauðbrúnt millilag, örlitið blandað oxuðum karga.

544-560 m. Fínkornótt, grátt, smádilótt þóleít sem verður meðalgrófkornótt inn að miðju lagsins. Dreif er af zeólítum, þ.e. laumontít og stilbit. Svarf vantar frá 556-558 m.

560-562 m. Rauðbrúnt millilag og mikið af zeólítum í því.

562-580 m. Fínkornótt, grátt, smádilótt þóleít, inn að miðju lagsins dökknar það og verður meðalgrófkornótt. Mikið er af zeólítum við lagmótin, sérstaklega við þau efri. Mest ber þar á heulandíti en vottur er af skólesiti og laumontiti. Smávægileg aukning er á zeólítum á 570 m.d. en miðað við borhraða eru ekki lagmót þar.

580 m. Þunnt, rauðbrúnt millilag.

580-590 m. Grænleitt, ummyndað, meðalgrófkornótt ólivín-þóleit. Bergið er allblöðrótt og fyllir það aðallega grænn leir. Mikið er af zeólítum í öllu laginu, m.a. thomsonít.

590-592 m. Rautt millilag ásamt karga.

592-606 m. Grásvart, fínkornótt þóleít. Grænleitur blær er á því. Blöðrótt og sprungið efst. Dreif er af útfellingum í laginu þ.á m. heulandít, kalsedon og jaspís.

606-608 m. Vantar svarf.

608-614 m. Grásvarf, fínkornótt þólít. Kalsedon sést í sprungum.

614-616 m. Rauðbrúnt millilag. Nokkuð ber á útfellingum, aðallega kalsedon.

616-620 m. Grátt, fínkornótt, blöðrótt þóleit, nokkuð mikið af útfellingum í því, aðallega zeólítarnir laumontít og skólesít.

620-628 m. Grásvarf-grænsvarf, grófkornótt berg, líklegast gangberg.

628-646 m. Grásvarf, fínkornótt, ummyndað þóleit en inn við miðju lagsins og í neðri hlutanum er bergið skærgrænt og meðalgrófkornótt en verður á ný fínkornótt. Nokkuð ber á útfellingum enda bergið allsprungið. Mest áberandi eru zeólítarnir laumontít, skilbit/heulandít ásamt kalsedon.

646-663 m. Allþykkt setlag. Efstu 2 m eru rauðbrúnir en næstu 2 m eru grágrænir og rauðbrúnir. Frá 650-656 er setið nánast alveg grænt en frá 656 og niður á botn er það rauðbrúnt á ný.

663-682 m. Fínkornótt, grátt þóleit inn að miðju og niður, verður bergið aðeins grófara og grágrænt. Við neðri lagmótin er smávægileg oxun. Bergið er nokkuð sprungið og sprungufyllt af kalsíti og kvarsi, ásamt zeólítunum heulandíti og laumontíti.

682-700 m. Allþykkt setlag. Efstu 6 m eru ljósrauðir og rauðbrúnir, þá tekur við grágræn sambreiskja næstu 4 m en frá 692 m og niður í botn er setið rauðbrúnt og grágrænt og engin greinileg skil þar á milli.

700-712 m. Efst er bergið fínkornótt og grátt en neðar meðalgrófkornótt og grænsvarf. Dreif er af útfellingum aðallega zeólítarnir laumontít og heulandít og svo kalsít.

712-714 m. Þunnt fagurrautt millilag.

714-736 m. Fínkornótt, grátt ummyndað þóleít. Efst og neðst og er bergið blöðróttara og fyllt grænum leir. Inn á við í lagið verður bergið grænleitt og meðalgrófkornótt. Slæðingur er af holu og sprungufyllingum, aðallega zeólítunum laumontít, heulandít og stilbit. Á 724-726 m eru líklega lagmót, nokkuð ber á oxun á þeim kafla.

736-750 m. Allþykkt setlag. Efst er lagið rauð-brúnt niður í 740 m en þá fer að bera á grænleitri sambreiskju, svipað og í setlögunum hér að ofan. Frá 744 ber nokkuð á gráu og rauðgráu seti, líklegast sandsteinn. Neðstu tveir metrarnir eru aðallega græn sambreiskja.

750-762 m. Grásvart, fínkornótt þóleít, nokkuð blöðrótt við lagmótin og blöðrufyllt af grænum leir. Smádreif er af zeólítum; laumontít og skólesít.

762-774 m. Allþykkt setlag. Efstu 2 m eru rauðir á lit og líta út eins og rauðu millilögini. Næstu 4 m eru líklegast brúnn sandsteinn. Frá 768 m og niður er setið blanda af grænni sambreiskju og rauðbrúnu seti.

774-778 m. Mjög ummyndað, blöðrótt, grátt þóleít. Grænn leir er í blöðrum ásamt kalsíti og zeólítunum heulandíti og analssini.

778-780 m. Þunnt, rauðt millilag.

780-795 m. Fínkornótt, grágrænt þóleít, nokkuð ummyndað. Við lagmótin, sér í lagi þau efri, er bergið nokkuð blöðrótt og oxað.

795-798 m. Fagurrautt millilag.

798-818 m. Fínkornótt, grátt, ummyndað þóleít. Bergið er blöðrótt og oxað við lagmótin. Hugsanleg lagmót eru á 804 m þar er meiri blöndun við millilag en áður, ennfremur er bergið þar lítillega oxað. Reytingur er af zeólítum, en grænn leir sétur sinn svip á allt lagið.

818-820 m. Rauðt millilag.

820-834 m. Fínkornótt, grágrænt, ummyndað þóleit sem verður lítið eitt grófara um miðju lagsins. Oxun er við efri lagmótin. Fáeinir útfelli- ingar sjást þ.á m. kvars, heulandít og laumontít.

834-840 m. Rauðrauðbrúnt millilag, efst og neðst en grágrænt, gráhvitt inn að miðju. Stríktúrinn er mjög sambreiskjulegur og svipar nokkuð til ignimbrits. Lagið skolast mjög auðveldlega út, enda er þar stærsti skápurinn í holunni.

840-848 m. Fínkornótt, grátt, ummyndað þóleit, lítið eitt blöðrótt. Grænn leir og kalsedon sjást í blöðrunum. Töluverð blöndun var í þessum kafla og helstu blandmolarnir voru úr laginu hér að ofan.

848-852 m. Fagurrauð og dökkrauð millilag. Þetta er blandað til helminga við oxað þóleit, sem fær þar af leiðandi á sig rauðbrúnar lit.

852-862 m. Grágrænt, fínkornótt, þóleit en inn að miðju lagsins verður það meðalgrófkornótt og grásvert. Í neðri hlutanum bar nokkuð á blöndun en það er korn sem ætluð eru úr millilaginu 834-840 m.d.

862-864 m. Þunnt, rauð millilag ásamt lagmótabreksiu. Talsvert er af zeólítum, aðallega heulandít og laumontít.

864-868 m. Meðalgrófkornótt, blöðrótt basalt, Sægrænn leir fyllir blöðrur.

868-872 m. Millilag. Efst er það ljósrauðbrúnt en dökknar síðan niður á við. Neðst er það grænleit sambreiskja.

872-878 m. Fínkornótt, ummyndað smáblöðrótt þóleit, grænn leir fyllir blöðrur. Við neðri lagmótin er allmikil aukning í zeólítum. Þ.e. laumontít, heulandít og skólesít.

878-880 m. Rauð, breksiukennnt millilag. Litill hluti þess er brún- leitur.

880-886 m. Grágrænt, fínkornótt, ummynduð þóleit. Bergið er nokkuð sprungið þ.e. neðri hlutinn og smáblöðrótt kvars er helsta holu og sprungufyllingin.

886-888 m. Vantar svarf.

888-890 m. Þetta er fyrsta sýni eftir upptekt og ber mest á millilagsmolum í því en skv. borhraða ætti hér engin breyting að vera. Því er þetta líklega allt ættæð úr millilögum ofar úr holunni.

890-892 m. Grágrænt, finkornótt, ummyndað þóleit. Samskonar berg og er fyrir ofan.

892-894 m. Oxuð sambreiskja og oxað finkornótt þóleit eru megin uppistaðan í sýninu.

894-898 m. Vantar svarf.

898-906 m. Fin-meðalgrófkornótt, ummyndað grágrænt þóleit, grænn leir er í blöðrum ásamt kvarsi (bergkristall og kalsedon). Einnig er dreif af laumontíti. Bergið er lítið eitt oxað við neðri lagmótin.

906-910 m. Rauð-rauðbrúnt millilag. Í neðri hlutanum vottar lítillega fyrir grænni sambreiskju.

910-918 m. Finkornótt, grágrænt, ummyndað þóleit. Við neðri lagmótin er bergið nokkuð oxað og blandað oxuðum karga. Einnig er það blöðróttara. Slæðingur er af útfellingum. Greina má kvars (bergkristal og kalsedon) og zeólítana laumontít og heulandít.

918-930 m. Finkornótt, ummyndað, grágrænt þóleit, nokkuð blöðrótt við efri lagmótin en blöðrur fylltar af kalsedon og grænum leir. Nokkuð ber á oxun á 926 m.d. Fáeinir laumontit stönglar sjást.

930-936 m. Þessi sýni eru allblönduð þ.e. lagmótabasalt, breksía og rauðir millilagsmolar. Allmikið er af holufyllingum þ.e. kvars (kalsedon og bergkristall), zeólítarnir laumontít og skólesít ásamt grænum leir.

936-950 m. Finkornótt, grátt-grásvart, ummyndað þóleit. Á 944 m er bergið aðeins blöðróttara eins og um lagmót væri að ræða, grænn leir er í blöðrum. Fyrir neðan 946 ber lítillega á oxun. Við efri lagmótin eru útfellingar nokkuð áberandi og dreif af þeim sést niður eftir laginu aðallega laumontít stönglar.

950-952 m. Vantar svarf.

952-964 m. Liklegast neðsti hlutinn af laginu hér að ofan. Bergið er fínkornóttara og mikil aukning er af útfellingum, aðallega zeólitar níðar laumontít og heulandít svo og kalsedon.

954-964 m. Fínkornótt, ummynduð og ožað þóleit. Mjög mikið er af zeólítum við neðri lagmótin en reytingur er í öllu laginu. Aðallega eru þetta laumontít, heulandít og skólesít. Þunnt rauðt millilag er ofan við lagið.

964-968 m. Rauðt og grænt millilag. Sum kornanna eru mjög sambreiskjuleg.

968-978 m. Grátt, fínkornótt, ummyndað þóleit. Í þessu lagi gætir tölverðrar blöndunar þá aðallega við millilagsmola, líklega annars staðar frá.

978 m. Þunnt, rauðt millilag.

978-984 m. Fínkornótt, gráhvitt, ummyndað þóleit. Það er blöðrótt og grænn leir fyllir blöðrurnar. Bergið er lítið eitt oxað við neðri lagmótin og er þar meira um útfellingar, laumontit og kvarts.

984 m. Þunnt, rauðt millilag.

984-998 m. Fínkornótt, grágrænt, ummyndað þóleit. Inn að miðju er bergið meðalgrófkornótt en út við lagmótin er það blöðróttara og blöðrurnar fylltar af grænum leir. Lítillega ber á oxun við neðri lagmótin.

998-1000 m. Rauðt millilag.

1000-1008 m. Fínkornótt, grágrænt, ummyndað þóleit. Bergið er smáblöðrótt og blöðrur fylltar af grænum leir. Smávægileg oxun er í 1004 m. Nokkuð ber á útfellingum þ.e. zeólítunum heulandít og laumontiti, ásamt kvarsi.

1008-1010 m. Rauðbrúnt millilag.

1010-1012 m. Smáblöðrótt, grátt, fínkornótt þóleít, nokkuð ummyndað. Laumontít sést.

1012-1016 m. Vantar svarf.

1016-1020 m. Fínkornótt, smáblöðrótt, ummyndað þóleít, með grænum leir í blöðrum. Talsvert er af zeólítum þ.e. skólesít, heulandít og laumontít.

1020-1022 m. Rauðt og grænt, sambreiskjulegt millilag.

1022-1036 m. Grásvarf, fínkornótt basalt sem inn að miðju verður meðalgrófkornótt. Ekki greinilegt hvort það er þóleit eða ólivín-þóleit. Bergið er sprungið og blöðrótt á jöðrunum. Kalsít og laumontít sjást.

1036-1044 m. Grátt, fínkornótt, ummyndað þóleít, blöðrótt og lítið eitt oxað við jaðrana. Zeólitar og leir eru nokkuð áberandi.

1044-1056 m. Grænsvarf, meðalgrófkornótt ólivín-þóleit. Bergið líkist nokkuð hrunlögunum á Laugalandi en svarti leirinn sést ekki. Grænn leir er í blöðrum við lagmótin. Laumontít sést í laginu.

1056-1058 m. Bergið er grárra og fínkornóttara heldur en þetta fyrir ofan en gæti samt verið botninn á laginu. Meira er um útfellingar og enn fremur eru rauðir millilagsmolar nokkuð áberandi.

1058-1060 m. Svarf vantar.

1060-1066 m. Grænsvarf, meðalgrófkornótt ólivín-þóleit. Grænsvartur leir sést í því og er sem holufylling en ekki sprungufylling. Við neðri lagmótin er bergið grátt, fínkornótt, nokkuð blöðrótt og fyllir blöðrurnar grænn leir.

1066-1070 m. Millilag og er rauð-rauðbrúnt í efri hluta en sá neðri er eins og græn sambreiskja.

1070-1076 m. Fínkornótt, gráhvitt, ummyndað þóleit. Bergið er blöðrótt og grænn leir fyllir blöðrur. Lítið eitt ber á oxun. Kvarts sést ásamt laumontiti.

1076-1084 m. Grásvarð, finn-meðalgrófkornótt, ólivín-bóleit. Svartur leir sést í þessu en í litlum mæli. Bergið er grárra við lagmótin.

1084-1092 m. Fínkornótt, grátt, ummyndað bóleit. Mikið er af útfelli-
ingum á þessum kafla, aðallega laumontíti en einnig er nokkuð af kvarsi.
Millilög eru bæði efst og neðst í þessum kafla.

1092-1100 m. Grátt-grágrænt, fínkornótt, ummyndað bóleit. Við neðri
lagmótin er mikill hluti bergsins grábrúnn vegna oxunar. Einig er
bergið blöðróttara við lagmótin með grænum leir í. Slæðingur er af
útfellingum, má þar sjá m.a. laumontít, skólesít, kalsít og kvarts.

1100 m. Þunnt, rauðt millilag.

1100-1106 m. Grásvarð-grænsvarð, meðalgrófkornótt ólivín-bóleit.
Svartur leir er í því en í litlu magni. Bergið er grárra og fínkorn-
óttara við neðri lagmótin, blöðróttara og fyllir blöðrurnar grænn leir.
Einig er smávægileg oxun. Laumontít, heulandít og kalsedon sjást.

1106 m. Þunnt, rauðt millilag.

1106-1110 m. Efri hlutinn er grágrænsvarð, meðalgrófkornótt ólivín-
bóleit en neðri hlutinn líkist meira bóleiti, þ.e. fínkornótt, grátt
og ummyndað.

1110 m. Þunnt, rauðt og grænt millilag.

1110-1118 m. Fínkornótt, grátt, ummyndað bóleit með grænum leir í
blöðrum. Allmikið ber á útfellingum í þessu, aðallega laumontít,
kalsít og kvarts.

1118-1122 m. Rauðt og rauðbrúnt millilag.

1122-1130 m. Grágrænt, ummyndað fínkornótt bóleit. Bergið er grá-
brúnt vegna oxunar við lagmótin. Laumontít og grænn leir sjást í þessu.

1130-1136 m. Ummyndað, gráleitt, fínkornótt bóleit. Bergið er blöðrótt
og er grænn leir í blöðrunum. Nokkuð ber á oxun við efri lagmótin en
við þau neðri er millilag. Laumontít sést.

1136 m. Punnt, rauutt og grænt millilag.

1136-1148 m. Fínkornótt, grængrátt þóleit og sést grænn leir í blöðrum. Kalsít og laumontítstönglar sjást af og til.

1146-1150 m. Fagurrauttt-rauðbrúnt millilag og einnig má sjá grænhvítar sambreiskjur.

1150-1158 m. Ljósgrátt, fínkornótt, ummyndað þóleit, frauðkennt til jaðranna. Af holufyllingum ber mest á grænum leirsteindum og zeólítum þ.e. laumontít og heulandít.

1158-1160 m. Svarf vantart.

1160-1168 m. Ljósgrátt, fínkornótt, ummyndað þóleit til jaðranna en dökknar inn að miðju og verður þar grásvert. Mikið er af útfellingum, aðallega laumontítstönglum, ásamt heulandíti og stilbíti.

1166-1196 m. Samskonar ummyndað þóleit og er hér að ofan, með dreif af útfellingasteindum þ.e. zeólítum og leir. Líkleg lagmót eru á 1174 og 1180 m.d.

1196-1200 m. Virðist að mestu vera oxaður kargi. Syarfið er úr rauðum gjallsambreiskjum og hyitgráleitum þóleitmolum. Mikið er af útfellingum.

1200-1220 m. Hvítgrátt og rauðleitt, ummyndað þóleit við jaðrana en dökknar inn að miðju. Dreif er af útfellingum, aðallega grænum leir og zeólítum. Mest ber á þeim við jaðrana. Líkleg lagmót eru á 1210-1212 m.d.

1220-1227 m. Rauutt millilag og ber nokkuð á útfellingum í því, aðallega grænum leirsteindum og laumontíti.

1222-1288 m. Ummynduð þóleitlög eins og hafa verið hér á undan, með oxuðum karga og þunnum millilögum. Greinileg lagmót eru á 1230, 1234, 1240, 1246, 1254, 1264, 1270 og svo 1280 m.d. Dreif er af ummyndunarsreindum, aðallega við lagmótin eins og áður. Mest ber á grænum leirsteindum svo og zeólítunum laumontíti, stilbíti og heulandíti.

1288-1338 m. Dökkt, nánast svart, grófkornótt gangberg, sprungið og sprungurnar fylltar svörtum leir. Á 1330 m.d. verður litabreyting þannig að bergið verður grænleitara en helst jafn gróft áfram. Allmikið hrún varð í þessu sem leiddi til þess að lokum að gefist var upp á frekari borun.